



Senin, 01 February 2021

Ogen: Kejadian 2:23-24



MPETURAH KEMALEMEN ATE



John Wesley radu ras seninana Charles Wesley eme salah sada pendiri gereja Metodis. Duana kalak enda teolog ras tutus erkiniteken man Tuhan, melala pelayanen siidahikenna asum ia nggeluh denga. Uga maka kalak enda tuhu-tuhu banci ipake Tuhan? Enda la terlepas ibas didiken orangtuana eme Samuel ras Suzana Wesley. Bapana, Samuel sekalak dosen iperguruan tinggi teologi ras nandena, Suzana la pernah lupa nehken kata Dibata man kerina anak-anakNa. Tep-tep jam man, berena ujian man anak-anakna eme kerna Pustaka Si Badia, la lit sibanci man adi langa dat kai jawabenna. Em dalan-dalanna kalak ersenina enda tutus kel erkiniteken sebab isuan ken ibas jabu kitik-kitikna nari.

Bage me fungsi jabu-jabu kalak Kristen. Dibata mbentuk jabu arah persadan dilaki ras diberu guna ngerehken kesusuren sijadi persembahen man Tuhan. Persadan enda erbahanca bangkit rasa percaya diri (*la mela manjang-anjang*), turah penggejapen si seri (*sada kula*) sienda kerina ncidahkenca maka ibas jabu e kita erhubungan sada ras sidebanna, la lit dalan kesirangen.

Alu bage arah perenungenta sendah mabai kita rukur kerna jabu-jabunta. Jabu arusna jadi ulu pasu-pasu simaba kemalem en ate. Adi lenga malem ateta nandangi anak jabuta, nta h lit denga si la payo caranta erhubungan bas jabu e, tetaplah erlajar. Carana mari siperembak jabunta ras Tuhan, sitotoken kerina seisi jabu e, jenari masing-masing anggota jabu silegi-legin ukur ibas ndalanken tanggungjawabna man Tuhan bagepe bas jabu. Mari sigejabken maka jabunta e bekas tinepa Dibata, em sipasna, em teman arih, sada penggejapen ula sipandangpunjuten, bangun kepercayaan. Alu bage la banci lang lalap nge nusur perkuah ate Dibata man jabu e simpeturah kemalem en ate saph-sapihta.